

समे – 12:25 hrs.

<><><><><><>

LG-Languages

उपराज्यपाल मनोज सिन्हा होरें कल वाराणसी दे महात्मा गांधी काशी विद्यापीठ च हिंदोस्तान समाचार समूह आसेआ आयोजित भारती भाशा समागम गी संबोधित कीता। एल.जी होरें अपने भाशण च राश्ट्री एकता ते समावेशी विकास गी बढ़ावा देने लेई बक्ख-बक्ख भाशाएं ते बोलियें दे आपसी सम्मान ते समझ दे महत्व उप्पर लोऽ पाई। उनें इस गल्ला पर जोर भरेआ जे भाशाई विविधता गी बचाने कन्ने सांस्कृतिक विरासत दी रक्षा हुंदी ऐ ते लोकें गी राष्ट्र निर्माण च सार्थक जोगदान देने लेई समर्थ बनाया जंदा ऐ।

<><><><><><>

LG-Hindi Diwas

उपराज्यपाल मनोज सिन्हा होरें अज्ज हिंदी दिवस दे मौके पर शुभकामनां दितियां। इस गल्ला पर जोर दिंदे होई जे हिंदी शड़ा मातृभाशा गै नेडू सगुआं इक्क सांस्कृतिक विरासत ऐ। श्री सिन्हा होरें लोकें गी सब्बे भारती भाशाएं गी बढ़ावा देने ते उ'नेंगी बचाइये रखने दी अपील कीती। उनें हिंदी गी एकता दा प्रतीक ते अभिव्यक्ति दा इक्क असरदार जरिया दस्सेआ।

<><><><><><>

CM-India Pak Match

एशिया कप च भारत ते पाकिस्तान बश्कार अज्ज होने आहले मकाबले कोला पैहले मुखमंत्री उमर अब्दुल्ला होरें जोर देइयै आखेआ ऐ जे खेड्डें गी सियासी मतभेदें कोला उप्पर रखेआ जाना लोड़चदा। उनें खेड्ड प्रेमिएं गी आखेआ जे एह मैच दिक्खियै ओह छड़े खेड्ड जज्बे दा नन्द लैन। कल तमिलनाडू च मीडिया कर्मिएं कन्नै गल्ल करदे होई उनें आखेआ जे दौनें मुख्यें बश्कार सरबंघें च अजें कि मतभेत ते रिश्ते संवेदनशील बी हैन, पर इस चाल्ली दे मैचें गी खेड्ड भावना ते बक्खरे नजरिए कन्नै दिक्खना लोड़चदा ऐ। जियां के पैहले बी खबर दिती जाई चुकी दी ऐ जे अज्ज टी-20 एशिया कप च भारत ते पाकिस्तान बश्कार मकाबला होना ऐ। दुबई च आयोजित इस टूर्नामेंट दा एह मैच भारती समें मताबक रातीं 8 बजे शुरू होग।

<><><><><><>

Jitendra-DC's

केंद्री मंत्री डॉ. जितेंद्र सिंह होरें वर्चुअल ढंग्गै राहें किश्तवाड़, रामबन, डोडा, कठुआ ते उधमपुर दे डिप्टी कमिशनरें कन्नै सेवा सप्ताह ते संसद खेल महोत्सव दी तैयारियें दी समीक्षा बैठक दी अध्यक्षता कीती। पंचैत थमां संसदी स्तर तक्कर त्रै स्तरी खेड्ड उत्सव दे तौरा पर तैयार कीते गेदे इस महोत्सव दा मकसद खेलो भारत नीति-2025 तैहत प्रतिभा गी पंछानना ते लम्मी अवधि आहले खेड्डें दा विकास करना ऐ। डॉ. सिंह होरें माय भारत, NCC, NCC ते खेड्ड संघें जनेह युवा निकाएं गी शामिल करियै जन भागीदारी उप्पर जोर दिता। उनें आखेआ जे एहदे कन्नै देसी ते मुखधारा दे खेड्डें गी बी बढ़ावा थहोग जेहदे च मकामी प्रतिभाएं गी Brand Ambassador दे तौरा उप्पर प्रदर्शित कीता जाग।

<><><><><><>

Yatra-Suspended

श्री माता वैश्वो देवी जी दी जातरा जेड़ी अज्ज बहाल होने आहली ही, रियासी जिले च लगातार बरा करदी बरखा करिये अगले हुक्म जगर परतिये स्थगित करी दिती गई ऐ। श्री माता वैश्वो देवी श्राइन बोर्ड नै कल सोशल मीडिया पोस्ट च इस सरबंथे च जानकारी दिती। पिछले म्हीने दी 26 तरीक थमां मौहलेधार बरखा करिये यात्रा आहले रस्ते पर पेई दिये ल्हास-पस्सिये कोला किश घंटे पैहले यात्रा आरजी तौरा पर रोकी दिती गई ही। बोर्ड नै इक्क बयाने च लोके अगगे अपील कीती ऐ जे ओह यात्रा पर औने कोला पैहले संचार माध्यमे रायं हालात दी ताजा जानकारी लेंदे रौहन।

<><><><><><>

GST-Reforms

पूरे जम्मू-कश्मीर दे लोके नमे जीएसटी सुधारें तैहत हाल च गै जीएसटी दरें च कटौती दा सोआगत कीता ऐ ते इसी आम लोके लेई इक बड़्डी राहत आखेआ। सरकार नै सेहत ते जीवन बीमा प्रीमियम गी पूरी चाल्ली टैक्स मुक्त करी दिता ऐ जेदा मकसद बीमा कवरेज गी बढ़ावा देना ऐ। 36 जान बचाने आहिलिये कैंसर ते परानी बमारी दी दोआइये उप्पर बी टैक्स माफ करी दिता गेआ ऐ। मकामी लोके इस गेंस दी सराहना कीती ऐ।

<><><><><><>

Highway

जम्मू-कश्मीर राश्ट्री जरनैली शिड़क एन.एच-44 पर गड़्डियें दी आओजाई पर असर पेदा ऐ कीजे उधमपुर कश थरड थाह सड़क अजें पूरी चाल्ली बहाल नेई होई सकी ऐ। पुज्जे दे बड़े मते नुकसान ते लगातार बरा करदी बरखा करियै गड़्डियें दा आना-जाना बंद ऐ। कल श्रीनगर थमां औने आहिलियें भारी गड़्डियें गी लम्मे जाम दा सामना करना पेआ ते शिड़क गी खराब हालत करियै उ'नेंगी जेसीबी ते लीडरें दी मदाद लैनी पेई। घाटी च किश लोड़चदियें चीजें-बस्तें दी कमी गै काजीगुंड च फलें कन्नै लदोए दे ट्रकें दे फसे होने करियै एन.एच-44 पर दबकिख्य हल्की मोटर गड़्डियें गी चलने दी खुल्ल नेई ऐ। डोडा, किशतवाड़ ते रामबन थमां जम्मू बक्खी जाने आहिलियें गड़्डियें गी बी इजाजत नेई दिती गेई ऐ। उआं मुगल रोड हल्की मोटर गड़्डियें लेई खुल्ला ऐ।

<><><><><><>

Programme Announcement

सेवा सप्ताह 2025 दे तैहत आयोजित बक्ख-बक्ख कार्यक्रमें ते गतिविधियें दे इक हिस्से दे तौरा पर आकाशवाणी दा क्षेत्रीय समाचार एकांश जम्मू, औंदी 15 सितम्बर गी दिनें 12 बजे 25एं मिनटें दी इक वशेष परिचर्चा प्रसारत करने जा'रदा ऐ-जेहदा विषय सार ऐ- “मिट्टी थमां स्मृद्धि तगर दा सफर, राई-बाई ते करसानें दा सशक्तिकरण”। इस कार्यक्रम च स्हाड़े परौहने होगन- स्कॉस्ट जम्मू दे सॉयल साइंस डिविजन दे हेड प्रो. विकास शर्मा होर- जेहड़े इस विषय दे बक्ख-बक्ख पैहलुएं पर लौ पागन। उन्दे कन्नै गल्लबात करगन अभिलाषा शर्मा ते में विजय बजाज। 25एं मिन्टे दा एह कार्यक्रम 15 सितंबर गी दिने 12 बजे प्रसारत कीता

जाहग, जिसी तुस स्हाड़ी FM फ्रिक्वेंसी 100 इशारिया 3 मैगाहर्टस ते कन्नै मीडियम वेव
303 मीटर यानि 990 Khz पर बी सुनी सकदे ओ।

<><><><><><>